



Fylkesmannen i Hordaland

Sakshandsamar, innvalstelefon
Jørgen Aarø, 55 57 20 46
Rune Mikkelsen, 55 57 21 81

Vår dato
03.04.2013
Dykkar dato

Vår referanse
2013/2980 433.2
Dykkar referanse

Svein Olav Haugse
Granvin
5736 GRANVIN

Løyve til utsetting av fjelledelgran til juletreproduksjon

Svein Olav Haugse får løyve på bestemte vilkår til utsetting av fjelledelgran på gnr. 105 bnr. 2 i Granvin herad.

Vi viser til søknaden vi mottok 25. februar 2013 om utsetting av utanlandske treslag til juletreproduksjon på gnr. 105 bnr. 2 i Granvin herad. Søknaden er vurdert i samarbeid mellom Fylkesmannen sin miljøvern- og klimaavdeling og landbruksavdelinga.

Saka er handsama etter forskrift av 25. mai 2012 nr. 460 om utsetting av utanlandske treslag til skogbruksføremål, med heimel i naturmangfaldlova. Dei miljørettslege prinsippa i naturmangfaldlova kapittel II ligg til grunn for sakshandsaminga.

Treslag og mengd

Det er søkt om å plante ut 1500 fjelledelgran (*Abies lasiocarpa*) av proveniens Grassie mountain for å supplere årleg uttak av tre på eigedomen. Fjelledelgran er i publikasjonen *Fremmede arter i Norge – med norsk svareliste 2012* vurdert til lav risiko (LO), og er ikkje med på svartelista¹. Søkar opplysar at alle tre vert hogde før dei set frø, og at det difor ikkje er fare for spreiding av utanlandske treslag knytt til produksjonen.

Utsettingsområdet

Det aktuelle utsettingsområdet er allereie eit etablert juletrefelt fordelt på to teigar, og dette har vi målt på kart til å vere på om lag 20 daa. Den årlege utsettinga skal skje på om lag 2,2 daa. Søkjar opplyser at arealet vart omdisponert til juletreproduksjon i 1996 og at det har vore dyrka juletre her sidan 1998.

Det er etter det vi kan sjå ikkje registrert sårbare eller trua naturtypar i utsetjingsområdet. I Naturbase er det på tilgrensande eigedom sør for området registrert ein rik edellauvskog av høg verdi, medan det ligg hagemark med lokal verdi aust for eigedomen.

I Artskart er det ei registrering av den raudlista soppen gråsvart kremle (NT) på eigedomen. Ut frå det vi kan sjå på flyfoto er den registrert i juletrefeltet, men i oppføringa i Artskart står

¹ Gederaas, L., Moen, T.L., Skjelseth, S. & Larsen, L.-K. (red.) 2012. *Fremmede arter i Norge – med norsk svarteliste 2012*. Artsdatabanken, Trondheim.

det at den er funnen i ”Edellauvskog på fylitt. I hassel eikekratt.” Registreringa er truleg ikkje heilt presis, og vi ser difor bort frå denne i handsaming av søknaden.

Vurdering

Utsettingsområdet er eit etablert juletreffelt, og det er ikkje registrert sjeldne eller trua naturtypar, trua artar eller MiS-figurar² i området med innverknad på sakshandsaminga. Utsettingsområdet er tydelig avgrensa og oversiktlig etter det vi kan sjå frå kart og flyfoto. Fjelledelgran er ikkje eit svartelista treslag, og trea skal hoggast før dei set frø, noko som minimerer spreidingsfaren til kringliggande område.

Vår vurdering er at saka er godt nok opplyst til å fatte eit vedtak jf. kravet til kunnskapsgrunnlaget og føre-var-prinsippet i naturmangfaldlova §§ 8 og 9. Vi kan ikkje sjå at produksjon av juletre på dei omsøkte areala vil medføre uheldige følgjer for naturmangfaldet.

Sidan planting skal skje i allereie etablerte juletreffelt vil juletreproduksjon i områda som er avteikna i kartvedlegget ikkje medføre ytterlegare belastning på naturmangfaldet utover det som er tilfellet i dag, jf. naturmangfaldlova § 10 om økosystemtilnærming og samla belastning. Den nemnde hagemarka og edellauvskogen ligg ikkje på den omsøkte eigedomen til søkjar og vil difor ikkje verte direkte påverka av juletreproduksjonen.

Etter naturmangfaldlova § 11 skal kostnadane ved å hindre eller avgrense skade på naturmangfaldet berast av tiltakshavar. Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gjev dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel, har vi ikkje spesielle merknadar til dette i denne saka.

Vedtak

Svein Olav Haugse får løyve til å sette ut 1500 fjelledelgran til juletreproduksjon kvart år frå 2013 til og med 2022 på gnr. 105 bnr. 2 i Granvin herad på følgjande vilkår:

- Løyvet gjeld for dei omsøkte områda i kartvedlegget.
- Trea må hoggast før dei set frø.
- Rutinar for å sikre hogst før frøsetting må verte etablerte, og dokumentasjon på dette må visast fram ved eventuelle tilsyn.
- Dette dokumentet må gjerast kjend og overført til ny grunneigar ved eventuelt eigarskifte.
- Dersom juletreproduksjon på eigedomen vert avvikla må trea hoggast.

Klageadgang

Vedtaket kan påklagast innan tre veker, jf. forvaltingslova §§ 28 og 29. Klaga skal stilast til Direktoratet for naturforvaltning, men sendast til Fylkesmannen i Hordaland, jf. forvaltingslova § 32.

² Miljøregistreringar i skog (MiS) er ein standard for registrering av miljøverdiar som er nytta i skogbruket.

NB!

Eit løyve gitt i medhald av forskrift om utsetting av utanlandske treslag til skogbruksføremål gjev ikkje automatisk omdisponering til skogproduksjon på det omsøkte arealet. Dersom arealet ikkje er disponert til skogproduksjon må du kontakte kommunen.

Med helsing

Stein Byrkjeland e.f.
Seniorrådgjevar

Jørgen Aarø
rådgjevar

Brevet er godkjent elektronisk og har derfor inga underskrift.

Kopimottakarar

Direktoratet for naturforvaltning
Granvin herad
SABIMA
WWF

Postboks 5672 Sluppen
Postboks 13

7485 Trondheim
5733 Granvin